



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Decennium Apostolicum S. Francisci Xaverii Indiarum II.
Japoniarum I. Apostoli**

Nevhvsii

Annus quartus. Christi MDXLV. Xaverij XLVIII.

urn:nbn:de:hbz:466:1-37272

X. Magnum denique nos,
 & vel maximum in Xaverio vivo mortuoq;
 Te Xaverium veneramur.
 Hæ excellentiæ, Bases illæ decem sunt,
 decennalis apostolatūs magni
 sustentatrices. 3 Reg. 7.

Annus quartus.
 Christi M D X L V.
 Xaverij XLVIII.

IN Cinnamomi messem gemmarumque piscatu-
 rame evocat Te, Apostolice Zelator, dives utroq;
 Ceilanus; ubi ex itinere ad Proto-Apostoli Tui
 Thomæ monumentum peregrinantis more conten-
 dis, novos è sacriscineribus ignes lecturus. Et
 verò hi adeo Tuo Te agglutinâsse videntur Colle-
 ge, ut noctes integras ad Thomæ aut Mariæ aram
 adhærescens, neque ineptis dæmonum interpella-
 tionibus, neque plagis crudelibus posses avelli. Ma-
 lacam subinde depravatam penitus, & verbis &
 factis admirandis reformas, quam sub solis occa-
 sum obiens incolas nolâ excitatos pro exoranda
 animarum purgantium lethaliterve peccantium
 salute admones solenni carmine.

Memo-

Memorabile vidit quoque annus hic, eum in sequentium tela manusque barbarorum declinanti arbor bene magnacedit; hic annus idem Te maris & mortis contemptorem, ventorum dominum, hic noctes integras inter preces excubantem, hic coram sacratissimâ Eucharistia saxo indormiscentem, & animas somniantem, hic Macazariae adeundæ perpetes curas volventem traduxit. O tuorum nos fac participes desideriorum laborumque, indefesse Xaveri!

Decem Apostolici zeli artes
ab apostolico Xaverio
per decennium & usurpatæ
& traditæ Collegis.

- Primum submittit hoc anno, Tibi
Europa subsidium, Francisce;
Cui hunc Tu primum scribis decalogum.
I. In Xenodochio diversantur operarii,
ut in demissionis charitatisq; palæstrâ.
II. Nullus infantium baptismus negligitor;
ut hi saltem cælum repleant,
futuri pro adultis popularibus advocati.
III. Pueritiae catechesis prima curarum esto,
ambitiosissimo studio digna occupatio.
IV. Idolis Juranto excidium.

V. Pel-

- V. Pellaci ad sacramēta studeatur industriæ.
 VI. Peccatores materna expugnet suavitas.
 VII. Animorū cura & liberalis sit & gratuita.
 VIII. Labores charitas condit & oratio.
 IX. Excitet ad ardua, ab indignis revocet
 vocationis memoria.
 X. Crebrum deniq; litterarum commerciū
 membra capiti, Europæ Asiam conjungat.
 Ecce operarii apostolici!
 Apostolus Xaverius ostendit vobis pactum
 quod præcepit ut faceretis, & *decentes* verba,
 quæ scripsit in Tabulis. Deut. 4.

Annus quintus.

Christi M D X L V I.

Xaverii X L I X.

Huc usque Amboinus anni hujus libat primi-
 tias, ubi irrequetus apostolicis sudas labori-
 bus, Xaveri, & indefessâ ferves in advectam illuc
 sub Ferdinando Sosa agram classem charitate. Hic
 Tuum Tibi Iesum mari placando immisum reddit
 Cancer marinus. Tum Molucas, ut aromatis ita
 vitii fertiles, & Ternatam in primis Insularum
 caput purgare suavi illâ Tuâ efficaciâ insistis, &
 magnum